

Qe Xjel Kukx in che tzaj Qanin kyi'j prueba ti'j COVID-19 o b'aj amb'il kyi'j

Mi'n t-xi t-xo'ne toj tz'is qe prueba ti'j COVID-19 maske o che pasarex moqa o b'aj amb'il kyi'j. K'eletz tnik'a ti'j qa b'an ate' qe prueba ti'j COVID-19 maske tku'x toj kycaja in tzaj q'ama'n qa o b'aj amb'il kyi'j.

¿Jakupe tz'ajb'en jun prueba ti'j COVID-19 maske o b'aj pasarex?

Jaku. Aju Washington State Department of Health (DOH, K'loj xjal Ke'yil Chwinqlal) o tz'etz tq'ama'n qa [atx kyajb'en qe prueba maske o che b'aj amb'il kyi'i](#) (toj tyol inglés) o'kx qa in nel qnik' ti'j qa b'a'n ate', ik tze'n tq'ama'n tqanil lu.

Axpe ikx, at ch'intl amb'il tu'n kyajb'en prueba ti'j COVID-19 tu'n U.S. Food and Drug Administration (FDA, K'loj xjal Ke'yil Wab'j ex Q'anb'il), mastl amb'il twitzju in tzaj q'am'an kyoj ky-caja prueba. Jaku tz'ok tke'yina alkyeqe prueba atx mas amb'il tu'n kyajb'en qu'n ik tze'n tq'ama'n [FDA toj u'j kyi'j prueba at ch'intl amb'il kyi'j](#) (toj yol inglés y toj tyol mos). Maske o che b'aj amb'il kyi'j prueba lu, atx ch'intl amb'il tu'n kyajb'en qu'n ik tze'n in tzaj tq'ama'n DOH, qa b'a'n ate'.

Tu'n tel qnik' ti'j: Jaku tz'ajb'en jun prueba tu'ne maske o b'aj pasarex amb'il ti'j ex qa tb'anel ta'.

¿Tze'n jaku tz'el qnik' ti'j qa k'eletz q'ama'n toj jun prueba o pasarex qa at COVID-19 wi'je mo qa minti'?

At tqanil toj prueba ti'j COVID-19 tu'ntzun tajb'en tu'ne toj tumel, tu'n tel tnik' ti'j qa «b'a'n ta'». Jakulo kanet tqanil lu toj u'j at tku'x junx tuk'il prueba, jatumel in tzaj tq'ama'n qa at yab'il ti'ja mo minti'. Tu'n tel tnik'a qa b'a'n ta' jun prueba o'kx tu'n tok tke'yina qa in jatz tyek'in prueba jun sqit ttxlaj letra «C» tok ti'j prueba, aj tku'x tq'o'na txanb'aj toj. Qa minti' in b'aj jlu, a t-xilen qa nya b'a'n ta' prueba ex il ti'j tu'n t-xi t-xo'na toj tz'is.

¿Tze'n jaku ten jun prueba nim amb'il tu'n tajb'en qu'n?

In nel kynik' qeju b'inchel prueba ti'j COVID-19 jni' amb'il at kyajb'en. In xi t-xpich'in FDA tqanil lu tu'ntzun t-xi tq'o'n mastl amb'il kyi'j prueba. Noqxix kabal aju amb'il inxi q'o'n ky prueba ti'j COVID-19 tu'n kukx kyajb'en qu'n.

Qaje tu'n tonin tqanil lu ti'ja, tu'ntzun kyajb'ena qe prueba tu'ne maske otoq che pasarex amb'il kyi'j. Ja'lo ma tz'el tnik'a ti'j ti' jaku b'ant tu'ne tu'n tok tke'yina qa b'a'n ta' prueba ti'j COVID-19: lepe'ka ti'j tqanil tku'x toj ax prueba. Qa ma jatz yek'in qa b'a'n ta', tz'ajb'enx tu'ne.

iNim chjonte teya tu'nju in nok tilil tu'na tu'n tok t-xq'uqina tnam jatumel ato'!

Qa taja u'j jlu toj junxiti tten, q'ajtiya toj 1-800-525-0127. Aqejju chkin kywi' ex qa miti'xix in kyb'i'n, najsama qa'jtiya toj 711 (Washington Relay) mo tz'ib'inxa toj civil.rights@doh.wa.gov.